

新刻譚友夏合集

刻譚友夏合集目錄

鵝灣文集

卷十三

文

祭鍾叔靜文

告先主文

告鍾嫂黃宜人文

哭徐乾之文

騷言詞

唁葛師讀禮文

送莆田周師舟櫬文

傷曹姨母文

嗣刻

傳

封鄧中葛太公傳

聞母傳

雲眠居士小傳

譚友夏合集卷之十三

竟陵譚元春友夏著

梁谿黃傳祖心甫

評

古吳張澤艸臣

文傳

祭鍾叔靜文

萬曆庚申三伏日、寒河友人譚元春告于亡友鍾三  
郎。怪之靈曰、嗚呼、七月七日、世俗家設饌迎亡人。自  
七日至十五日、朝夕奠供新茗、剝棗浮瓜、以薦妻子。

告  
亡者之實歸至望而送之沙涕不已沙門

教有孟蘭會延僧懺度乞恩佛前若亡人實有大苦

于其身妻子聞梵未免泣下而今年汝迎送家之奠

里門中元普度之會子不幸而與乎亡人之數嗚乎

我以終不免之鬼哀子先無事之人豈不甚焉然世

更有愚者曰三郎不幸客歿南都我則無是說矣夫

鍾山之色千變淮水之氣萬家豈負子冤乎今日一

客自越蜀至明日一客自閩廣至豈負子趣乎子之

兄世所謂有道文人也歿于其旁不猶勝于歿子闔

閣之間乎。汝兄書來言子嘔血盈升斗勢將不起我  
不以爲然。自與子交十六七年子之血相尋于喉吻  
筋絡之中未嘗去。記與子客舍同榻。蹴而起曰來矣  
來矣。口知之而吐嗽。足知之而踐踢。不待謀于目而  
以爲血。我見之駭甚。而子明日健如故。子下筆甚有  
清思。讀之氣亦不弱。子又知命談人生死利鈍未嘗  
清也。每一思惟自究中心。默上而言之。勝。變。矣。  
自言死。子又明藥性。久于疾癘。自知增損。我輩小有  
虛怯。常來爾處乞方。數聞病。數聞愈。因循十六七年。  
入病者。輒以病攝生。往往有之。然此亦相。知。相。安。  
反以咯血爲子養生之物。藥餌爲子茶飯之常。豈見

汝兄書來狼狽而遂料其定死乎兩家兄弟凡九人

我六子三長幼足以相使學問足以相立謔笑足以

相明孝友足以相及遊處足以相容顯晦榮辱褒譏

取舍足以相化而子辯睿疏通趣浮于身情高于性

朋友最難得豈能少子閒雲冷夢之致惜哉所不足

子者才足以自致于今古文之道而力未堅以沈也

興足以立乎田舍錢穀之上而或有所不能忍于取

予之小也夫有益于身後者文章之道無益于生前

者財用之途我往往能規汝而近日讀書自令荒

衣

不厭華。而居食有所擇甚矣。人文章之道難而出。用之途易也。于今死而吾幾悟乎然則善取朋友之益者雖死不止矣。我去年在南都待子不來。子今往我家居。兩舟如相避者。執手一訣。瓌瓌兒女情事。何足爲悔。但汝兄之書四月也。子之死則五月五日有程山人者。以六月來。未入門。先投子寄書。悅悅然如青燐之照人。竦然骨寒。此豈冥路耶。三郎去此不遠。仍與子兄弟通書耶。亦有山人可薦耶。昨山僧來。方言募建盂蘭救度一切豈幽冥亦有道場。反以生人。



爲死去耶。不然。何得闢浮世。有鍾三郎手書也。少頃  
山人入。始知爲二月書。書爲客踪所滯。予然後驚定。  
又從山人見其送行起句云。疎雨寒燈。各有心茫茫。  
去此欲焉尋。氣格高亮。淒渾。絕不似九泉下語。末世  
造化。益無常。窮達死生。毀譽。總不知其故。予何言哉。

告先主文

春兄弟今日敢告成人各攜婦子奉老母營宅寒河  
二里上下析爲六居各製木主以祀先人而舊堂適  
圯自葬時所有木主已妥之靈春以長子得而迎于  
新構之堂神當離其故處如人遷居豈不忡忡以此  
痛甚又將爲我高曾祖父母祖父母與吾父勸駕也  
一香火而六之六之則其子孫雖不孝猶愈于孝者  
之止一之也衆不肖可以當賢衆嫚可以當敬衆率  
可以當腆也其爲言太自恕我祖父必笑之

告鍾嫂黃宜人文

我與夫子兩身一目死別五年如筵滅燭自顧其影  
一枝枯木以是回心哀樂莫觸我交夫子二十年篤  
嫂事宜人山濤識足爲文人婦爲法眷屬翟弗糞埽  
更衣自浴爾有順子不異出腹告慈氏前牲醴屏遂  
敢致懺金爲嫂惜福

哭徐乾之文

萬曆四十八年歲庚申七月二十二日表兄王時揚  
表弟譚元春同弟元暉元聲元方元禮元亮致祭於  
亡友乾之徐九郎而屬元春告其靈曰嗚呼人道所  
重惟戚而吾數人者寧舍其戚而言友世情必專所  
交以私一友而吾與王子者任子泛交而心耿耿其  
獨明也子瞻之表兄文與可也其死也哭之黃州再  
哭之曝書齋又哭之失聲豈止哭所親哭所私哉風  
流盡而高韻歇樂事終而愁腸始欲復尋一快士作

即答人

得

亦哭

能令

其情之

不極

極也

也

替人何可得也。嗚呼傷哉。子在世有貴家華士之習。而前生種疇人野客之因。終日有式燕以敖之歡。而一念發山水清音之悲。外汎汎如鷗鳬之浮水。而中了了如日月之入懷。此吾與王子所同知也。子孝弟過人。不必爲人所諒。不見子猷之去世。竟以爲上牀彈琴而已矣。不見嗣宗之嘔血。竟以爲與客圍碁而已矣。此王子與子少壯親密時所深知。而予兄弟容有未知者也。子之倉箱。四方人之粟也。子之衣。四方人所襍也。子之僮僕。四方人所廝隸也。而子未嘗有

德色于客。亦未嘗有所擇。夫多者不遑有所擇。作者  
不受擇物之情也。今在客。則不能屑。屑。則然。然。則  
中。明。明。有。別。自。故。不。煩。煩。計。耳。意所樂。卽客之人。以窮身歸我。豈  
暇復計其雅俗真僞。卽王子與吾弟知之。或未盡而  
予深知其然也。人又言曰。子作無益。害有益。貴異物。  
賤用物。予與王子每正色以悟子。子性不可易。予常  
繼之以笑。王子常繼之以罵。惟恐無所附於益。友由  
今思之。損何及矣。不幸在此。功名富貴之世。呶嗥握  
齟之場。波波吒吒之內。必欲作有益。賤異物。以相就。  
鬼伯不以是赦人。而生前無一事快人意。此吾數人。

與一世同其不知而悲○感○中○忽○然○省○自○今始悔焉者也。子之去也甚倏忽。是日也。方使使至寒河。貽書與筆。自朝至於日中。晷昇一竹輦徧過其所知。午夜猶飲朱氏園亭。嘯歌不去。倚欄俯沼。若有幽寄者。未達曙而逝於家。誰召之而急若此。人謂子善書。必上清宮殿中。或有以相煩。彼北海魯公之屬皆何在。子書亦未便及此。豈有是事哉。嗚呼。宛其死矣。他人入室。詩所云云。豈爲無子詠耶。一則曰他人。再則曰他人。亦以衣裳非我着。車馬非我駕。庭內非我灑埽。酒非我飲。琴非我鼓。而

卽有陶公之五男有軍之七子皆他人也如是則子  
之有無不足論也吾弟云無論軋之他事卽一河上  
孤舟主人不在客不登長年無事淒淒然繫在流水  
明月之下豈不可思嗚呼如之何不思



騷吟詞

鍾子試閩士。纔三郡而本生封君奉政大夫終于家。  
棄綬歸。其友譚元春深悲之。而申騷吟之詞。其詞曰。  
憂心密而難治。古禮昭昭而不暇襲。惟君子克信其。  
天笑與歎之。皆不可聞。窮武夷而遠望。舟在山以驚。  
骨自一曲以九曲。茫茫洞洞。今若逝者之赴夢。過昆。  
陵而畏城郭。思教化之所淑。設學官于州邑。惟先生。  
獲有其原本。性孝弟以爲命。父事其兄。婦奉爲舅。  
胡弓冶之敢以自居。其綸紵之後及生嗣。同衰以經。

兮。禮制定而非其心。旣花果之有托。何懷抱之可言。  
棘人。惘惘于千里。思緒一而萬端。瘖不足。以自竟其。  
其。友。代。其。之。其。於。交。也。至。矣。廣。矣。  
哀坦緩焉。而若不知江水流其深深。如繁悶之中人。  
君自有兮美報。何獨愁此寸心。捨一悲以就我。相與  
究乎昭融。

唁葛師讀禮文

錢塘葛師屺瞻以文行忠孝追步古人無毫髮誣其  
心初發于南祠曹再振于江州三著于我楚之督學  
天道王法終日相持皆有實心真蹟非迂人者而未  
幾輒以迂去獨在我楚以丁太公艱去而未幾亦得  
迂春爲師所拔士坐以文不可解○此○上○無○暇○珠○人○以爲師所以得迂  
之一驗嗟乎時文小道耳春本自不工收者與擯者  
俱不足置恩怨于其間獨吾師以君父師友神鬼之  
道自立于末世而遂無一人知之此則可歎也我

朝無長子孫之官傳舍相習。因沿關茸苟有一人焉。  
、此。故。吳。人。即。是。此。端。如。此。必。欲。見。頭。腹。者。耶。  
起而振之曰。君父在是。曰師友在是。曰神鬼在是。羸  
糧躍馬其口不遑休其力不遺餘百端補救稍見頭  
腹而以逕去不旋踵矣。再有一人焉。繼之勢必更其  
法。更其法者當得擢勢必再有一人焉。以逕爲戒。而  
以擢爲幸。舉往時口不遑休力所不遺餘而僅得萬  
有一存之法。又蕩然如燼矣。然則世果不可有用。而  
君父師友神鬼果不可不欺也。一至此哉。春又素奉  
明師友之教。平心靜觀。不敢以薄料天下。而曰遂無

一人知師惡惡可也師嘗進其所著書于今上

上輒下所部議之雖其事竟寢不得覆然其君知之

獨君以下不知耳伊何人哉可以親矣凡諸生下等亦非人情所樂然亦

惟顏赧意憤耳終不能自謂其文善此一念子弟知

之獨其父兄不知耳夫人皆有心豈真謂吾師文行

忠孝不如人哉其有用之才與決不肯爲之事彼其

心皆知之獨其手與口不知耳其不知師者古今情

事之常飄風過雨願與吾師忘之而其耿耿未嘗不

知者天道王法猶存一縷天地決不是架漏過時吾

願與吾師感之而已矣。師旣以艱歸，充充瞿瞿，用世  
一念盡委松楸，而雖有以迕告者，師如不聞也。而過  
之，如不聞也。而過之，則卽有知已引援者，天亦何恩  
之有，而况于怨乎？且非惟讀禮時也。方春在諸生時，  
請見以時語言有數耻焉。諸生所以事其師德，其師  
之狀，卽吾師不罪之，以簡亦泛泛焉足矣。而師踉蹌  
歸舟之夜，四顧無春，若徘徊念于其人者，蓋聞之劉  
子侗云：春因思不責春之不肯俯仰，是吾師不自俯  
仰之根，而其實深情至誼，原出于磊磊疎朴之中。世

有。一。人。如。吾。師。者。以。其。不。自。媚。人。耻。人。之。媚。人。因。而。不。責。人。之。不。媚。人。古。人。可。立。追。太。平。可。立。待。也。以。師。至。性。不。動。而。春。來。晷。晷。于。草。土。中。亦。似。可。已。然。而。非。恩。非。怨。不。爲。一。已。以。君。父。師。友。神。鬼。之。道。咎。嗟。嘆。息。而。反。覆。之。亦。與。師。同。其。充。充。瞿。瞿。之。意。也。

送莆田周師舟櫬文

故督學師周鉉吉先生終於吾郢分司其門人景陵  
譚元春率其弟元聲元禮雨雪走郢門哭焉春爲詩  
二章蓋一時懷惻顛隕之辭也其一曰拔我耕桑內  
當人謠詠時遂歲山野性空結海天思疎密君忘物  
敦寬世允師何堪如此散霜樹不相知其二曰全宅  
爲桃李何曾見夏陰且將羊舌泣洒到馬融心風雪  
晨村急江流夜舫深茫茫投孝愛靈魄去焉尋二詩  
旣成常中夜哀吟自解未遑焚告靈牀則以公子陶



士牙士方歸闕。諸公子尚幼無主者。越明年癸亥三

月。陶士同叔氏齊吉來楚迎師之喪。春終日雜儻恍

傷。

於語笑坐遷之中待之於江上而爲祖奠之文曰。嗚

通維始見情有盡而思無窮不堪

乎。惟此江上春青。鞵布襪始見師於此。師指水而拔

與水而復長

之田野。是此江水也。而忍見其素旄之隨舟歸入閩

山煙霧之中。而與之同散也哉。嗚乎。春行藏之不時。

厭則忽棄。動亦復來。每自笑其無恒。而師若深喜其

不繫世俗之人。以爲起蠖驚蟄。春非空山人也。而納

之於功名富貴之中。卽春亦以爲當絃摧柱折時。賞

音之士不知何如愧憾豈復計能琴者之肯鼓而文  
安問與我之素識不相識彼其中真有以自急耳迨  
春復出試下第如故人情不自悔或尤人相負不咎  
其文之忤時或稍相勸勉而師則情加篤禮加恭絕  
口不問文字始知吾師汲汲拾卵補巢惟恐不遂豈  
惟不爲功名富貴亦不爲數行文字豈惟不是愛名  
之矣而求敢受者多也  
亦不止是憐才春不得已而歸之多生往因庶幾近  
之耳若以世俗之見相憶相報猶有盡時若是多生  
往因便自轉轉無窮此番牽纏復生於江上之一見

矣。悔何可言。於是書呈齊吉陶士。悲歌當哭。而與之別。

封郎中葛太公傳

元春嘗讀陶元亮爲孟長史嘉作傳其言曰懼或乖  
謬有虧大雅君子之德所以戰戰兢兢若履深薄云  
爾蓋古人之慎如此已未歲謁吾師葛學憲公于杭  
州命爲封郎中君傳元春冰淵其懷者累年于是殆  
爲葛太公傳公嗜學重經義嘗爲諸生講說故學者  
稱爲麟郊先生以伯子學憲公爲南京禮部郎中遇  
覃恩得拜封郎中人又稱葛大夫或曰葛太公元春  
爲學憲公受知門人義當比大父尤得稱太公太公

云太公名大成字以時其先出許州鄆城後徙會稽至元四奉直繇會稽渡錢塘遂爲錢塘定北鄉人太公亮拔多奇節十六補弟子員二十六入雍六館之士翕然宗之辛卯首乙榜主司琢菴馮公植齋曾公世所名爲能識文章者手其卷嘆焉太公雖試屢絀然下帷益奮攜學憲公讀書吳山分燈啖菹不窮工析微不已至庚子試京兆復失職而伯子學憲公是秋舉于鄉第一人明年成進士公歎曰吾苦心積學三十年老子道途而收于堦庭是則有命吾其爲崔

斯立乎斯立嘗謂官無卑顧材不足塞職肯哉言矣  
去爲福建崇安丞又遷廣東欽州倅皆強幹清慎壹  
意字婢鋤暴用酬生平不敢有不屑之意而臺御史  
目其才敏而練志堅以貞造軌者亦頗自信自喜焉  
太公之爲崇安也丞耳崇有訟山者連年不決咸以  
邑連江浙率未可詰太公曰豈有是乎捧上官檄界  
而遣之民不敢譁崇有推稅中使制其命而丞尉望  
風倡和賈人重足而立太公督給公上惟謹而已無  
浮額無私獻中使不得意去然亦無以中也太公丞

俟其無以中而後其品愈卓

處之裕如

崇攝崇篆倅欽又攝欽篆兩官皆滿考最致其政而  
歸凡官之攝守令也。羈旅于其官計且旦莫謝去而  
又常不足于所自有之官。稍稍取償于攝故州邑之  
苦失守令也苦其攝焉爾太公慨然。吾日欲伸其志  
不欲以屈伸自異而人不欲屈伸之安在官之崇  
于不得伸之日奈何暫得伸自令屈抑爲且州邑有  
早久皆爲也  
何官可苦民官有何日可苦民者丙午閩大饑郡守  
禁米越疆民攫取之無問于是閉糴者達江西太公  
方攝崇爲郡守力爭郡守語塞因請之江西諸道得  
聽民轉輸矣治州事吏以羨進太公叱曰女不見吾

平時元卓作何狀。而敢以此免耶。吏懼而退。欽州有夷寇。被兵。邑里蕭條。太公承檄往清民居。故例一戶錢百文。約可數百金。吏以爲言。太公笑曰。則是寇未退也。大軍之後。必有凶季。可自我而凶季之乎。嚴勅勿歛。疋馬雙僮。自裹糧往。民無半菽之費。又招撫流亡。民以安集。兩也。人皆至今德之。問太公。太公不言也。太公風格峻整。動繇禮節。飲瞰服御。幃幙常如素。士家在西湖上。笙歌相沸。士女競華。而太公蕭衣履。寡言笑。課子弟。門人皆孝友樸質之事。與夫忠臣烈士廉。



吏之談不以家之腴枯官之升沈錮人趨嚮損人骨體其鄰虞德園先生曰人多縛紕繞指意嚙屈不自申而葛公父子美意烈心不申不已知言哉元春又聞學憲公在江州迎養太公時湖口稅璫張甚學憲公逮治其爪牙璫窘伺太公發武林行賂求解太公正色麾之使者懼逃去歸過湖口又齎珠弊造請太公尙郵舍不聽入璫停車良久然後去於是璫喟然難曰是父是子果然矣戒左右勿得以身試法其後數年學憲公衡文吾楚簡鍾肅然衮袴之士無所廢

能○生○感○正○以○賜○和○破○其○陰○毒○也

使此輩亦

底顏氏所謂駕長簷車出人望若神仙者自悔不讀書塞默入地而太公在武林終日步湖上有匿踪伺太公間欲以私干不敢近當此之時太公與吾師學憲公父子以執法守素名聞天下譚子曰春秋時多君子而孔子思剛如饑人思江瑶柱至蘇子瞻作剛說得一人焉曰孫介夫。至今日又得兩人焉曰葛太公父子何春秋時之難而後之易也。然峨峨先生天挺無欲足知是剛者無疑矣。寶劍無折無摧無求于世光芒屬天固日拭以華陰土夫讀古人書則太公

父子華陰土也

聞母傳

聞母者杭州聞汝東先生夫人也。夫人姓朱亦杭人。冲和虔靜，有名賢之美。夫人歿，里黨之中無不慕呼。擗標思一易其名，嚴子調御母事夫人者也。躍謂夫人二子曰：吾無以名之。吾無以名之。其全德也。夫于

可作私識

是稱全德聞母焉。初夫人歸聞氏年十五，事舅南江

翁孝敬備至。翁有所幸妾，日以啐語相侵。夫人煦煦

如此一事可覆千百般事

然事之。卒賴以化。所幸妾晚失明，身自扶攜嘗甘旨

以進。所幸妾感泣語翁曰：而婦真孝婦也。翁壽至九

十五夫人逮事五十年白頭麤粝如初作羹湯時相  
人至今艷爲盛事夫人與汝東先生如同志友相莊  
無間先生好節義樂施予恤孤篤舊不以亡爲解皆  
夫人成之也先生愛客通人秀士林僧杖老率滿坐  
上開樽設豆絡繹簾屏之內與客同聚散終日未嘗  
一起夫人亦不以耻罄亂先生談也舉三子長即吾  
友啓祥孝廉仲啓初季啓禎皆才而自束家學淳雅  
夫人愛之如一子愛諸子婦如一女兄弟娣姒亦並  
相愛敬末世所謂雀鼠風雨壁陷楹淪塞室殆盡一

門之內。不知世間何者名爲乖和。下至僕媵皆欣欣。

自得。不事喚喝。自然勤整。夫人旣夙具道念。與汝東

處出家。感悲作佛事。如有死。若天人門。純其倚靠。然

先生嚴持殺戒。魚蛤無犯。子姓婚友。刀俎含血。則羣

數而授然知衆

起而呵之。如有嚴刑于其旁。年五十。卽皈依雲棲長

齋念佛。日可數萬聲。飲食拙解。悉無間斷。轉經數部。

木槌軍持。日有常度。所過尊宿。如憨山雲門真寂桐

塢諸老。皆肅心悲仰。稽首發願。所謁佛地。如普陀雙

徑。皆兩三至其處。去來洒然。巾瓶無跡。歲已巳。忽病

供佛榻前。數日持佛號。令眷屬三匝和之。梵唄聲徹

寢門之外。西向而逝。異香滿室。凡一晝夜不散也。生  
生刳刳與慈氏俱。豈顧問哉。啓祥甫居憂遺。書其友  
元春使作傳。元春不能以文字作誑語如聞母者。則  
常登其堂。知其誠然。乃爲之立傳。夫一傳之中。而梁  
妻狄姑。陶母。龐婆。合爲一人。豈非翰墨之幸哉。任彥  
升曰。夫貴妻尊。匪爵而重。爲蒿簪藜杖。欣欣負載者。  
言耳。况兩足離垢。世外栖心者哉。全德之名。予猶以  
爲世諦也。

雲巖居士小傳

楊修齡先生爲長安令其大公封長安令爲侍御又封太公侍御是時孫文弱亦成進士而太公年六十五太公恐我老書生耳積學不第自以爲忘于天子孫貴相踵吾安知天所爲乃以退晦自處令其孫授越中教職因循由國子遷計部念侍御莫可損者惟黔中荒蕪于臺班無所取人乃請按貴州至今于孫海內有靜穰太公教之也今上四十七年虜虜屯堡失職遼陽諸將吏多與賊通起居事已壞而是



時侍御方與其太公逐花源漁父爲笑樂聞臺召父

此皆淡然忘君父者耶

子相顧語安可以靜晦失國恤太公曰且非獨汝往

也吾與汝偕往向吾爲盜驚汝自黔卽日歸今國有

寇君父情等耳獨可以明日乎驅車去至都每侍御

莫○是○當○今○救○世○急○務○疎○中○何○

草疏太公自起焚香以爲憂不在兵餉而引用當世

無○一○人○言○此○也○

膽智公忠之人則其虜自退疏七上上動太公教

之也尋侍御中人言謂歸不宜卽入都入都卽不宜

七上封事而太公愀然曰此豈不知國有憂乎吾向

者南來朝士挈家歸者相望于道乃知不足怪耳侍

御卽拂衣太公手一疏欲劾以悟主上爲計部所匿  
阻。自抵家迄于病革。惟痛恨遼事及問遼警何若與  
遼中用何人。人何言而已。譚子曰。始子與文弱交。太  
公出肅客。問客有川源雲壁之好。意甚喜。而太公亦  
自號雲眠居士。嘗出入吳越佳麗。又能道秦衡嵩華。  
所以伯仲同異之故。戊午子致書武陵。使者歸爲子  
言。書至日。三籃輿在門。筇履壺觴已具。曰。將往遊山  
水。子聞之嘆息。三世同堂如此。乃可嘆也。一旦國家  
有事。潭煙石霞。猶在衣裾。而安危存亡之意。勃勃不

可忍。然後知真山水人能急君父也。

新刻譚友夏合集卷之十四

鶴齋文章

竟陵

譚元春友夏著

梁谿

王玉汝元琳

評

古吳

張澤草臣

雜著

先隱園題門說

乙丑歲客武陵作

天啓乙丑十月予訪中丞楊公修齡于武陵蓋十年之約也公子家園山水真能欣欣然樂之不倦因思

雲境奇人謂易終始決不肯棄莫其老畢其

止

從來佳山好水靈窟與區數百年中必生一人與之

相得如楊公其人者。公忽告我曰。吾性落落然。顏唐  
自放。凡詩文仙佛琴酒俱不深。而皆有以自得。亦似  
不必深者。但苦俗下黷我不置。戶外之屨聞之而輟  
感。案上之箋對之而太息。顏氏曰。腸不可冷。腹不可  
熱。吾所苦腸熱耳。今幸落籍閒居。以君父之餘恩爲  
朋友而受過管領江山。廓清昏曉。不杜門而客自謝。  
不作矯情立節事。不絕交而游自息。吾事濟矣。子能賀我乎。予笑曰。武  
陵山水清遠。公適生是鄉。妻子可以當梅鶴。子父可  
以當金蘭。閒則入山中。樓神竦。聽倦則好樓居。登高

望遠煙暮嵐朝琴心灑德書重經史友商老莊非獨  
公樂山水山水數百年中所歷奇人魁士無此相得  
今日始爲公一逐俗客耳此山水之靈公何得受賀  
因大笑不已。

二杖說

郭子聖僕有二竹杖焉。其一純白而種方。吳公鮑叔

手自刻銘。其一甚圓。質似常竹。然光瑩皆可鑑。自二

杖鏗鏗然出於爪甲也。凡所用之歲時用之者之精

神童僕之敬慧主人之間無事乍若見於髮弗光輝

之中。子客南都過郭子。郭子潔蔬食。出法書唐硯佳

筆舊昏墨相愛樂而自提一杖欹側散緩於其旁時

以袖指優游之。惟恐傷偶入市訪人曳一杖自隨遇

其日所用之杖。或方或圓俱若有意者與人相見令

童子接杖然後揖。子謂郭子形僻而性獨。當恒接於其前。以救酬對之太泛也。當恒與之坐起。以救人之面目太熟近也。而郭子則非其杖不出杖。亦若有助焉。爾子歸楚。郭子送之舟。再拜曰。方竹杖得之金一甫。圓者爲丹泉周叟所貽。二老者皆年七八十。不留以自扶衰。肯贈我。我守之至死。以報二老。尚不足願爲我明其意。使巧奪者塞望。夫苟明此意。以塞人之望有餘矣。然郭子之與其杖也。相依如家人。相嗜悅如旧宅美女。相發如神理。相得如朋友之無所爲而。



交深者卽杖之出於匏菴與匏菴之自爲銘皆非其所重。決不盡以二老者故。維予曷敢隱諸。乃歌而別之曰。子涼涼。非二杖疇發其光。子蹢躅。惟二杖宜與處。

女山人說

山人者客之挾薄技問舟車于四方者之號也。予曾入小巷訪所謂瀾如女子者。門戶簾幕不可識辨。問之巷口人。皆曰子問山人乎。此門中是也。予始恍然。瀾如善貌蘭通書。粗知韻事。與一時素士交處。故一巷中相與山人之似。贊似嘲。此俱無足論。獨念世之爲山人者。歲月老于車馬名刺之間。案無帙書。時時落筆吟嘯自得。而好彈射他人。有本之語。口舌眉睫。若天生是屬噉噉人者。雖其中多賢者。然天下人望

而穢其名者久矣。而今以其名集瀾如瀾如樂而愛之。戶外之屐來求一觀山人。各當其意去。退而省其私。或自厭其尾瑣之言。輕其錢穀之好。陳其篋笥之書。亦有以迴旋其面目。曰吾不知女山人。由是觀之。山人固以喪風雅之名。而女子反以存山人之實。則無品典有品各自不作然終不可以求其名。而并居其實也。

何也。山人之名實未嘗不美。吾又不敢以男女之迹論惠中之人。韓昌黎稱秀外而惠中。今吾友在草莽者。非一人。有秀外而惠中者焉。是亦男子之瀾如也。吾仍爲存其山人之實而去其名。使無射于世。吾何

怪焉。金十公劉同人俾予爲說。堅瀾如所尚。予之說固如此。

五華別號記

名山與奇人相關久矣。宗生四壁之間，尚子婚嫁之後，或臥焉而深好，或好焉而遠遊，亦有寄情山水而自名其齋，自署其號者。然皆枕岩漱流，保其枯槁計。說得閒散人天原不決之為輕重。松桂訪薜蘿，空老于角巾鹿裘青屨布襪之中。造物者亦若聽其所之而不爲之主，惟用世之人奇情異才，慧業天成，其墮地時已如巨壑，最屬高掌遠蹠，森森然有華峰之奇矣。嬾瓚撥灰而知其命，石馬缺耳而山○用○鍾○爲○奇○人○奇○定其數，心存口往，足歷身經，以至一名一號造物

人。乃傳。山。川。而。惟。鼓。次。止。今。非。其。人。者。自。愧。悔。耳。

皆若爲之巧相位置。不可思議。同在。人。天。之。內。而。獨。  
有。天。人。之。稱。良。不。誣。也。吾。邑。有。五。華。山。而。楊。公。五。華。  
先生。初。卽。以。是。爲。號。事。良。奇。公。治。吾。邑。惴。惴。清。靜。更。  
鼓。分。明。吏。散。鳥。啼。之。朝。網。間。魚。樂。之。夕。特。與。韵。士。商。  
及。雲。霞。煙。嵐。如。帶。香。氣。一。日。過。風。后。之。區。尋。墨。池。之。  
蹟。登。高。望。遠。三。澁。環。匝。而。後。自。驚。其。身。之。在。五。華。也。  
恍然而悟  
願。謂。門。人。熊。子。輩。曰。羊。叔。子。之。峴。山。蘇。長。公。之。赤。壁。  
皆。宦。楚。而。與。楚。山。有。緣。者。也。然。其。奇。豈。至。此。乎。門。人。  
退。而。告。不。肖。春。春。躍。然。喜。曰。吾。邑。雖。有。清。淑。之。氣。而。

予無山幸有是山。蜿蜒磅礴而鬱積。且以神農之國。不能使其必傳。而托于公之號以傳。是卽造物所以傳是山之道也。予觀杜光庭所記十大洞天。皆有仙真以治之。如王褒葛洪王方平司馬季主之屬。各領一洞。則皆人間奇情異才人也。今我公秋神玉骨。罔不讓王褒輩。則吾邑五華亦何必不是王屋委羽諸洞乎。客復有疑者。問長茲上者多矣。何獨公先署號。予笑而不答。但吟杜老詩云。自是君身有仙骨。世人那得知其故。

求母氏五十文說

古文起衰之士。或不作壽文。非止謂古無此體也。誠

不欲以無益之語投于無益之人。作之者媚篋篋而

當之者。澆飲食作之者。避忌諱祇五福而當之者。光

嬌友集卷帙作之者。言短勒之使長。事少勒之使多。

先自有賣菜之意。而當之者。長以爲如椽短以爲草。

草尤驅人于濫觴之途。古文有此有志悼歎。而真文

章不見于世矣。春何敢以此例名筆。但春無他嗜。惟

貴真。古文母五十而無一。二人文又泛然務多于衆。



傳矣。人之文。則是以所賤事其親也。不孝莫大焉。或曰。五十壽乎。曰。亦有說。父母之年。不可不知也。四十五十以上。皆不可不知也。吾父四十七逝矣。使得半百之年。而壽之。春猶得爲子母。今未亡人。何敢不喜懼并。或曰。女人無儀。曰。請陳其無非。春門無俗士。無殘客。自吾父始。今未敢有俗士殘客。母供之極歡。曰。此有益吾子。外王父魏公。似朴多讀書。好逢人舉說。不問其解否。母嘗從旁聽。亦以此知道理權數。家中事大小。春兄弟白母。乃行行。輒吉。不白母。亦不問也。然而

大矣。春兄第六人百畝之田，三尺之童，母乘其便，  
出析之。曰：非兒曹意也。吾見魏氏數世同居，子孫不  
知世務，卒以此憤懦，落其家聲，徒存義名，無補且吾  
所爲析者，便諸婦凌雜耳。其母妹兄弟同食如故人。  
○家○庭○中○應○務○氣○參○使○人○敬○仰○  
直供一日薄暮，取酒相對談學業世事，母亦喜出聽。  
自出餅餌蔬醴佐春兄第，啖兄第中有求益者，母喜  
曰：吾乃見汝曹爭家中長若此，可矣。不須大富貴也。  
婦女性多踟躕憂愁，而母豁達，遇事坦然。惟哀至一  
哭先人，春嘗思斯于之章，無非無儀，卽男子所謂無

譽無咎也。有譽而無咎。與譽咎兩忘者。固不知孰難耳。酒食是議。議之中。蓋自有道理權數焉。無父母詒懼無懼之處。蓋自有深淺大小焉。此亦難言之。然而沉○思○至○意○春之母真無負于讀書者之女。若妻也。春先爲名筆慮。而後敢以請。母明年丁巳五十。無乃蚤計乎。春既不敢務多于衆人之文。又不敢無一二人文。然則此一二人者。恐其不易值也。貴早也。一二人者。今世古文起衰之士。不能強之使有言者也。

近縣五里募修路文

禹貢有過三澨之文。三澨蓋吾邑水爲江水所過如昔也。酈道元稱竟陵之水含巾吐栢。巾栢在吾邑東舍之吐之如昔也。陸季疵千羨萬羨。西江水今在吾邑城下。可羨如昔也。獨漢水常自上流決郊郢以下數百里隄防。怒而入。直抵吾邑城下。率夏漲冬涸。虛其地以供舟楫。舟人各操一葉艤而待。舟必滿。至無可坐始發。先登者待至饑疲不滿。滿而發。舷與水齊。旁觀股栗。一遇風濤忽生。篙柁失執。不可測已。如是

者二十里。數年間。邑人築土爲堤。以自庇。田畝號爲  
負郭。垆多黍。多稌。于其中。行人得取道焉。堤窮復登  
舟。舟人艤于是。而水益束。如箭如祇。一折而入于羅  
宮。昨秋之事。可爲寒心。如是者止五里。有一人趁舟  
不及。悵悵岸上。而舟忽覆。是人以後至。獨免。自矜重  
決。列。念。既。可。以。立。地。成。佛。何。志。小。小。困。終。不。成。就。耶。  
生雉髮。棄妻子。投西塔寺。爲空門。諾號于門外者累  
日。夜以路成爲期。予爲之心動。然未敢以爲能也。一  
日。胡君元闢告于邑令公。商于里之賢者。位置堤幾  
何丈。橋幾所。而日以書促予爲文。夫二十里之患。維

而爲五里覆舟者羣然在劫數之中而留一人不覆○說○何○人○人○念○願○上○供○要○打○動○一○番○安○能○尚○宿○慳○食○使○功○德○福○力○當○面○錯○過○子以爲皆持地菩薩含茶茹藥數十年之事而子輩安能不動子嘗謂營建之事有二快人足日者曰光景切人焦腑者曰利病少時愛弄光景思得自寒河至邑長堤亘匝雜木夾植橋梁可以坐行人○如○此○相○以蔭暍子子輩瘦蹇徒步旦晚去來是里中至樂而不敢告人何也其說止于足日也必至河水嚙岸馬○形○竟○宮○院○亭○臺○土○木○聚○興○與○私○事○尚○方○元○于○物○命○所○繫○而○有○漢○然○置○之○者○耶○歇舟興人命寄于解艫人天變色而一邑之人爲焦臍利病奔走如鶩然後有議有任有作有成農人販

夫。不。脫。屣。而。行。乎。堤。梁。之。上。車。馬。駢。馳。士。女。雅。雅。子。  
輩。所。謂。光。景。者。亦。自。是。而。攬。焉。古。今。光。景。之。事。未。有。  
不。始。于。利。病。者。也。明。聖。湖。比。于。西。子。濃。妝。淡。抹。爲。遠。  
人。馳。驟。之。地。而。其。初。開。葑。掘。井。豈。敢。以。光。景。言。哉。予。  
故。疾。首。蹙。額。而。言。之。

洪山四面佛菴建藏經閣募疏

萬曆丁巳戊午間元春讀書西菴日與文上人遊往  
上人方同給諫段公議鑄四面佛像其時土室如龕  
像亦纔成一髻銖銖拾銅幾如聚沙予私心難之而  
上人者北人也甚銳且朴嘗謂予曰有如不就當以  
來生足之至丁卯春夏一再過其地則金火相得端  
然四軀各向同縈有金光見昱如千百日淑人眸子  
又一年而張善人者相其高廣屹嶭爲殿殿成而上  
人已示寂作山中一祖矣庚午早春始得拜於雪柳



煙相之中爲之浩然而一歎念此上人者十餘年間

亦由上人福力相持至今而不散

無歲不以碑請予諾諾至今愚公之山已成而圓澤之語未踐亦世外交道一恨也會今方伯杜友白先生置隙地數笏將募諸同志建一閣請藏其中以鎮此山而屬元春爲之疏元春以意度之釣是佛也而是佛以面面注視氣格弘肅使人生懽喜心生悲淚心生希有難遭心先生欲於是間設一全藏令緝閱禮拜之形消人妄念鐘磬懺悔之聲警人靈龜苦者衣糞土食麻麥解者明心性遠名利程子所謂三代

禮樂盡在乎是而 我朝崇右佛法之意庶於是乎  
明何以言之苟有人焉身口意能淨貪嗔癡能滅殺  
盜淫能息而太平之治官司之守可以不勞而化矣  
予以為全藏者佛所以輔帝王治天下之書也而苟  
非乘懼善悲淚希有難遭之想則末法之人亦頑然  
而不能入故藏經於是中佛似尤有力焉經謂一切  
衆生皆依食住我今願一切飽食衆生皆依經住且  
夫菴以東即修靜寺李北海所捨宅也自北海捨宅  
而當時遊戲翰墨生平罪過無復有存焉者矣今縱

不必捨宅而度世惜福之人默念前後但捨一椽一  
甍一函一籤無挂礙相與捨宅等則藏與閣必有言  
未畢而復成者矣先生欣然而笑曰子之言是矣但  
其許多似碑元春謝曰有之竊不敢忘上人之諾也  
閣成請以勒于菴石

跋白兆山桃花巖詩爲禧公募藏

此李太白安陸白兆山桃花巖。寄劉侍御綰者也。禧公募北藏。自丙辰發心。發足迄于今壬戌。凡七年者。

卽其地也。予戊午見之于郢中。辛酉見之于郢城。今

年又至予家。其願力猶未就。其足尚不鞭。將由此之

南之北。坐立門廡。其心彌以堅。其言其貌依然。戊午

郢中禧公也。夫士君子聞山靈之深美。前賢之所遊

息。涉人世之浮幻。悟前後生之必有歸。豈真以一慳

自取淪墜。富人子取財縱有道。然守千萬。慎受享。必

思所以處之。處之之道。利用消。消之足以無咎。而獲福。莫如空門。又豈真以一慳罷。豈能見汲汲爲法。奔走不休者。恬然觀其苦聽其去來。而毫不爲動。不過曰。此汲汲苦行不休者。豈誠爲法淺者。没于利深者。大抵貪慳人必有所執。以自護。必去其所恃。而後其情可破。然其終不可破也。久矣。尸于名耳。而我又捨其所甚愛。以資其業。是業由我。

也。故大夫士珉終不肯以業易慳。其說幾無以破之。有禱公之。可寒。可饑。可辱。可七年者。其人之不能爲利名而造業也。亦明矣。親見其人。饑寒困辱七年。而其施猶未之或力。母乃真有所慳與。禱公蹙然曰。僧

何敢以一字限人僧之不誠僧之罪也。于是爲書太  
白桃花巖詩而往。曰。卽此山靈。前賢亦可以感人。無  
論僧矣。

自跋禧公卷

崇禎庚午仲夏。予適樂靜居。禧公復過我。肩一木似  
槐狀。四用青油幕。鉢瓶中簋具在。而置疏卷薦書其  
頂。匿之幔中。次第取觀。居然一菲菴也。肩入予隘巷。  
下幔匡坐。中宵雷雨作。予請其移榻。亭子握手不從。  
曰。是中甚好。是中甚好。明旦欲別去。予留之。則大笑。  
曰。吾爲藏經走燕走州郡十五年。無成安得在汝家。  
修竹茂林下。閒住子聞之愧汗流。至踵如子者不作。  
克滿元滿。  
人間一正事。只愛在修竹茂林下。偃仰如死屍者也。

急令家中人給以米數升青蚨五十文自寫一書與黃宗之非宗之莫有信予爲真愧者。



湘署跋程子小文

予入湘謁蜀陳師與其鄉程君飲署中甚快。因出一卷相示。君風趣落落然。儻爽不可羈紲。而天機敏妙。厭薄時輩。以爲不可莊語。有清質濁文之思焉。予觀其鷺鷥傳。綠衣傳。臭虫說。寄托恢奇。各有風刺。屈左徒鷺鳳雲霓之喻。閻朝隱鸚鵡貓兒之篇。異代同懷。不直則道不見。豈傷厚哉。但予以座師故入湘署。以湘署故逢君。得觀君巷伯惡惡之言。實有奇緣。嘗讀柳柳州跋毛穎傳。謂身在海外。聞人傳說。但稱其奇。

○已見其文矣而○其○情○尤○不○能○已○也○此○中○寄○托○莫○自  
絕而不能舉其詞然後知奇支不易見也

難明

題周氏遊宴詩後

予再過潭中周伯孔帆園尋十四年前竹樓草亭已  
不可得而伯孔已築一湖岳堂居妻子僮婢其中矣

語意俱不必深使人如見其處

偶春雨益漲湘水上岸入室入舫有若接盧是時平  
映化爲荇鄉長堤飛作柳塢伯孔慨然高想買機命  
酒隨鼓吹而上下循坡陀以周遊弟姪咸集士女爭  
歡我行其間愁心焉往忽而望遠岫登萬樓曲折從  
波滌洄到戶然後一揖筵端三爵不讓清歌掠乎茗  
香高燭照此吟詠何曾記有深更夫誰知爲郭外旣

各賦詩。伊子作記。非獨使朋友念茲相好。亦欲令山  
唐。人。作。序。有此。添。情。无。此。  
川知吾不衰耳。

題伯吹草

有伯無仲。人誰與樂。仲存伯亡。人誰與生。同安蔡清  
憲公。在日經營四方。日慕念其仲。仁夫氏對之者。覺  
常有仲在焉。按其談。出其詩文。仲又在焉。司馬不作。  
仁夫氏無以爲生。輟其寄懷諸詩。朝夕悲吟。馳以示  
元春。多元春舊所見者。凡所過山水關河。若呼仲與  
之共游。所歷烟霜雨月。若呼仲與之共影。所見畸人  
魁士。所聞至言妙道。若呼仲與之共求也。曰是其墳  
也。夫是其墳也。夫因題爲伯吹草。中有代仁夫氏見

答四首倡予和女引人之埧麓而相與吹抑又大矣

題周道一集

沈滄洲處有周道一集。口中雷響。手裏砲發。無論禪  
理。世間有此斬截痛快男子乎。同一血肉之軀。獨使  
人塗之以漆。飾之以金。明明是數十年前麻城一  
秀才耳。不發信心者。非人。至。此。尚。不。發。信。則。亦。必。復。與。言。之。矣。

題王以明新刻

王以明年七十而好學益篤。癸疇昔之彩游變化之途。故日有新刻。予賞其蟻賦蘆峰詩。有詩人比興之遺焉。昔人謂注蟲魚者。非磊落人事。予頗謂不然。景純好學仙。以明好出世。挾出世之心。而游于翰墨峰。是至理。蟻皆可悟道。磊落孰過此者。並欲爲郭子解嘲焉。



題筑吟

子友葛震父在都下。日苦吟。喜都下有此苦吟人也。  
題曰筑吟。而誦其詩。則有曰悲歌今已矣。歡笑且從  
容。其意似不欲爲筑。嗚乎。震父之意厚矣。天涯久住。  
觸物悲思。忠孝不暢。心有斷續。震父之所爲筑也。然  
震父幽緒苦懷。埋照于乞米典衣之中。長安日月有  
光。鄉人消息不斷。都中士人。但覺其往來市上馬頭。  
塵厚。卽僮僕亦以爲吾主人翁有所營于此。而予與  
震父交最深。能知其不然也。有營者所以度日久任。

出清溪  
者所以忘情偶入山中。嬾至州郡。與偶過都門。嬾歸  
湖山。皆詩人之息機。任運似趨實舍。而苦吟終日。以  
爲一快者也。予故曰意似不欲爲筑。使其意欲爲筑  
也。鈍如予亦得而和歌之矣。

胡彭舉詩畫卷跋

彭舉年六十餘。坐起一齋。藤垣苔石。冲然無慮。然未

免爲人作畫。其畫緣飾于雲林大癡叔明間。而疎疎

自運。無驚跳束縛二者之失。居然有逸士老人之度。

世知傳貴之。惟彭舉古詩老枝少葉。自寫其實性之

所近。則自吾數人外。誠莫有知之者。夫爲世所知。不

如爲所不知。然苟無一物以掩之。則雖欲不爲人知。

其道莫由。故畫能至于神逸。而又能蚤以之名于世。

是彭舉所由以自掩其詩也。江南之俗。畫之易售。倍

詩彭舉爲貧而畫。習手用老亦無可奈何。而以畫存  
于世。又無一人推本其爲人之貞朴以掩之。然則畫  
與詩幸不幸何如也。

胡彭舉詩畫卷跋

彭舉爲人畫冊葉十片皆生平所游山水是其得意  
之筆鍾居易見而欲得卽舉以爲贈吾爲彭舉計  
彭舉自爲其畫計皆當出此夫爲庸人可求而得已  
非高士之情矣况又使奇人求而不得乎居易將復  
往南都因爲題其冊使堅彭舉曰必不得已而爲庸  
人畫可以屈其手令不至于大佳不幸而至于大佳  
每逢奇人輒與之夫如是則吾他日亦可邀惠數片  
耳